



UNIVERSITÄTS-
BIBLIOTHEK
PADERBORN

Universitätsbibliothek Paderborn

**S. Avrelii Avgvstini Hipponensis Episcopi Et S. R. E.
Doctoris Vita**

Lancilottus, Corneille

Antverpiæ, 1616

Cap. XXXII. Quomodo reiectis omnibus, summâ curâ Horas recitauerit.

urn:nbn:de:hbz:466:1-42857

iudicij die seruandos) *saluâ naue, & integris mercibus, peruenire mereamur ad portum perpetuæ salutis.* Præcipue verò coluit, & orationibus ieiuniisque celebrauit diuum Stephanum, in cuius honorem templum extruxit, eiusq; corporis Reliquiis illud exornauit; quòd plurima tribuerentur ibidem beneficia Sanctum inuocantibus; quodque præfractorum hominum emolli-
ret affectus, quòd morbo pressos sanitati restitueret, & mortuos quoque ad vitam suis precibus reuocaret.

Lib. 21. De
ciuit. Dei,
cap. vlt.

Templum
S. Stephano
extruxit.

Lib. 22. De
ciuit. c. 8. &
Serm. 29.
De temp.

CAPVT XXXII.

*Quomodo reiectis omnibus, summâ curâ
Horas recitauerit.*

ACCVRATISSIMVS semper fuit in recitandis Precibus horariis, non tam metu (vt suprâ retuli) illius imprecationis, *Mal-
ledictus homo qui facit opus Dei negligenter,* quàm amore quo in Deum & orationis studium ferebatur. Hoc pensum, missis ceteris, ingenti pietate exsoluere satagebat; ad hoc tempus opportunum otiumq; deligebat, in eo reddendo, velut sub vitæ melioris initium Officiû diuinum audiendo, frequentiùs lacrymis perfundebatur. Ac semel dumtaxat multitudine negotiorum obrutus, Completorij recitandi fuisse obli-

Lib. 2. c. 2.

Leonardus
de Vrino
ser. de san-
cto Augu-
stino.
Legenda
Sanctorû,
& alij.

R 4 tus

tus fertur. Accidisse porrò vt diabolus obuium haberet cum oblongiore schedâ: quem cùm pro imperio, quod est viris sanctis in dæmonia, rogasset, quidnam in illâ scriptum ferret; mox Augustinum adegisse inuitum, vt legendi copiam sibi faceret, in quâ cùm obseruasset obliuionem suam, mox dolore animi concepto, persoluisse quas omiserat Preces: idque suum erratum ex eodem catalogo simul euanuisse.

CAPVT XXXIII.

Quo affectu fuerit in sacrosanctam Eucharistiam.

Lib. 9. Cō-
fess. cap. 13

QUOD ad Eucharisticam attinet sacri altaris oblationem, in quo sui memoriam fieri ab Augustino eiusque fratre desiderarat Monica, cuique nullius diei prætermisione seruierat, quod in eo sciret dispensari victimam sanctam, quâ deletum est chirographum contrarium nobis; semper ei, intaminato videlicet Missæ sacrificio, deditissimus fuit, illudque celebrare solitus; vt quod mater poposcerat extremum, vberius ei præstaretur in multorum orationibus, & per operationes ipsius: etiam suos exhortabatur, vt quotidie Dominico corpore se reficerent, dum vllatenus possent, ne si forsan se ab eo elongarent, etiam Dominus se elongaret ab eis, &

Lib. 50.
Homil. 42